

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով 09.06.2020թ. կայացված ԱՖ346941, ԱՖ346942 որոշումները անփոփոխ, իսկ վարչական բողոքները առանց բավարարման թողնելու մասին

<<30>> 07 2020թ. 7-13 - 8651

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վարդան Պետրոսյանի ՄԴ/86080-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի, Դավիթաշեն 4-րդ թաղ. 59 շ. 31 բն. բնակիչ Վարդան Պետրոսյանը դիմումով խնդրել է բեկանել Ճանապարհային ոստիկանության վարչական իրավախախտման վերաբերյալ գործով 09.06.2020թ. կայացված ԱՖ346941, ԱՖ346942 որոշումները՝ նշելով, իր անհամաձայնությունը որոշմաների հետ: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի, խնդրել է դիմումը քննել առանց իր մասնակցության և արդյունքների մասին տալ գրավոր պատասխան

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 09.06.2020թ. կայացված ԱՖ346941, ԱՖ346942 որոշումները ենթակա է կատարման հետևյալ պատճառաբանությամբ.

<< Ճանապարհային երթևեկության անվտանգության ապահովման մասին >> օրենքի 24-րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի վարորդը պարտավոր է կառուցվածքով նախատեսված անվտանգության գոտիներով կահավորված տրանսպորտային միջոցներով երթևեկելիս լինել ամրակապված և չփոխադրել անվտանգության գոտիներով չամրակապված ուղևորներ և 24-րդ հոդվածի 7-րդ մասի <<գ>> կետի համաձայն՝ վարորդին արգելվում է ընթացքի ժամանակ օգտվել ռադիոկապից և հեռախոսակապից, եթե դրանք կահավորված չեն առանց ձեռքերի օգտագործման այդ սարքերից օգտվելու սարքավորումներով (բացառությամբ ծառայողական առաջադրանքներ կատարող, օպերատիվ ծառայությունների տրանսպորտային միջոցների վարորդների), կամ ընթացքի ժամանակ ծխել:

դժ

Նյութերի նախապատրաստման ընթացքում պարզվել է, որ 09.06.2020թ. ժամը 16:36-ի սահմաններում Երևան քաղաքի Աբովյան փողոցում դիմումատուի կողմից վարած <<VOLKSWAGEN>> մակնիշի Y129AB99 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի 8-րդ սպայական դասակի տեսուչ, ոստիկանության լեյտենանտ Ա.Գալստյանի և նույն դասակի ավագ տեսուչ ոստիկանության մայոր Կ.Պետրոսյանի կողմից՝ << ճանապարհային երթևեկության անվտանգության ապահովման մասին>> 24-րդ հոդվածի 5-րդ մասի <<բ>> կետի և 24-րդ հոդվածի 7-րդ մասի <<գ>> կետապահանջը խախտելու համար, այն է՝ վարորդին երթևեկել է անվտանգության գոտին չամրակապված վիճակով և միաժամանակ ընթացքում օգտվել է հեռախոսակապից՝ ձեռքի օգնությամբ: Վարորդի նկատմամբ կազմվել է վարչական իրավախախտման վերաբերյալ արձանագրություններ և Վարչական իրավախախտումների վերաբերյալ ՀՀ օրենսգրքի և 123.3-րդ հոդվածի և 124-րդ հոդվածի 11-րդ մասի համաձայն կայացվել է ԱՖ346941 և ԱՖ346942 որոշումները:

Ճանապարհային ոստիկանության ծառայողների կողմից տրված պարզաբանման համաձայն քաղաքացի Վ.Պետրոսյանի կողմից կատարված իրավախախտումը հիմնավորող՝ տոխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումը եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն, և կայացվել է ԱՖ346941 և ԱՖ346942 որոշումները: Ոստիկանության ծառայողները նշել են նաև, որ իրենց և վարորդի միջև ծառայողական բնույթի խոսակցություններից բացի այլ

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի և 123.3-րդ հոդվածի և 124-րդ հոդվածի 11-րդ մասի հատկանիշները, իսկ ԱՖ346941 և ԱՖ346942 որոշումները օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 09.06.2020թ. կայացված ԱՖ346941, ԱՖ346942 որոշումները թողնել անփոփոխ, իսկ վարչական բողոքները առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Վարդան Պետրոսյանին և Ճանապարհային ոստիկանության ՃՊԾ 1-ին սպայական գումարտակ:

Կատարող Գ.Հրաչյան
Հեռ. 011-544-783



Ե. Կարապետյան